



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Libellvs De Principalitate Romanæ Ecclesiæ**

**Roth von Schreckenstein, Hieronymus**

**Ingolstadii, 1550**

**VD16 R 3252**

Cvm Ecclesia Sit Corpus Christi, Vnicam, sanctam, Catholicam & Apostolicam Ecclesiam credere debemus, neq[ue] eam tanquam sacratißimum corpus Christi uarijs sectis scindere.

**urn:nbn:de:hbz:466:1-30126**

## DE PRINCIPALITATE

Optima igitur est Argumentatio iuxta & antiquissima à Catholica Ecclesia ad Romanam, ut si dicas aliquem Catholicum esse necesse est cum Ecclesia Romana ipsum convenire. Sicut enim est unum Corpus, unus Spiritus, una spes uocationis nostræ, unus Dominus, una fides, unum Baptisma, unus Deus, sic est unica Catholica Ecclesia, una columbamea, perfecta mea, & una electa filia genitricis suæ. Ad Eph. 4. Canticor. 6.

Sic Alexander Primus, Pontificum septimus sub Traiano Principe Martyrio coronatus in ipsa primitiua Ecclesia. In 2. Epistola omnibus fratribus scripta, scribit Roma, Salutatur uos omnis Apostolica Ecclesia, quæ epistola omnibus alijs Christianis scripta est. Cum igitur Epistola hæc ad omnes alias Ecclesias scripta sit, necesse est tum temporis in primitiua Ecclesia omnes Christianas Ecclesias tenuisse & habuisse Romanam Ecclesiam pro sola Apostolica & Catholica Ecclesia.

*CUM ECCLESIA SIT CORPUS Christi, Vnicam, sanctam, Catholicam & Apostolicam Ecclesiam credere debemus, neque eam tanquam sacratissimum corpus CHRISTI uarijs sectis scindere.*

**P**AVLVS ad Corinthios prima cap. xij. Sicut enim corpus unum est, & membra habet multa, omnia autem membra corporis cum sint multa, tamen unum corpus

## ROMANAE ECCLESIAE.

corpus sunt, ita est CHRISTVS, & mox, uos autem corpus Christi, Christus uero caput Ecclesiae est. Cum ergo Christus Petrum in Vicarium constituerit, Romanam Ecclesiam & Catholicam unicam esse debere, neque eandem uarijs opinionibus diuidere, alias si plura haberet capita monstrum referret. Sine Principali enim Ecclesia uniuersalis Ecclesia & Catholica consistere non posset, si non esset unica Romana Ecclesia per quam Haereses, ut Ireneus inquit, confunderentur.

## EXPLICATIO PVLCHERRIMAE

*similitudinis, quod Ecclesia appellatur,  
Mater Christi fidelium.*

Ecclesiam esse matrem CHRISTI fidelium nemo Christianorum negat. Immo eam omnes fideles tantquam matrem dulcissimam colunt & uenerantur, iuxta illud. Ecclesia mater iocundare cum filijs tuis, quia ego te eripiam, dicit Dominus. Ecclesia filios tuos dormientes memorare, quoniam ego educam eos de lateribus terrae. Esdr. III. cap. II. Cum igitur mater CHRISTI fidelium sit Ecclesia, unicam esse oportet, Nemo enim duas matres habere potest. Sic plures uniuersales Ecclesiae esse non possunt, nisi quis uelit imaginari nouercas haereticorum, quae Christi fideles non pio amore sed nouercali prosequuntur odio. Gaudebit ergo Romana Ecclesia à sanctissimis Apostolis Petro & Paulo fundata non immerito matris nomine.

C ij mine.